

Z126.1
158

孟子注疏原目

卷一

梁惠王章句上 凡七章

卷二

梁惠王章句下 凡十六章

卷三

公孫丑章句上 凡九章

卷四

公孫丑章句下 凡十四章

卷五

孟子注疏

目錄

孟子音義序

孟子題辭解

孟子注疏原目

卷一上


梁惠王章句上


卷一下

梁惠王章句上

卷二上

梁惠王章句下





卷七下

離婁章句上

卷八上

離婁章句下

卷八下


離婁章句下

卷九上

萬章章句上

卷九下

萬章章句上



孟子注疏卷八上

漢趙氏注 宋孫奭音義并疏

離婁章句下

疏

正義曰。此卷卽趙注分上卷爲此卷也。此卷凡三十有三章。一章言聖人

殊世而合其道。二章言重民之道。平政爲首。三章言君臣之道。以義爲表。以恩爲裏。舊君之服。蓋有所興。諷喻宣王。勸以仁也。四章言君子見幾而作。五章言上爲下倣。六章言大人不爲非禮非義。七章言父兄已賢。子弟旣頑。教而不改。乃歸自然。八章言貴賤廉恥。乃有不爲。不爲非義。義乃可由。九章言好言人惡。殆非君子。十章言疾之已甚。亂也。十一章言大人所求合義。十二章言視民如子。則民懷矣。十三章言養生竭力。人情所勉。哀死送終。謂之大事。十四章言學必根源。如性自得。十五章言廣尋道意。詳說其事。要約至義。還反於樸。十六章言五伯服人。三王服心。十七章言進賢受賞。蔽賢蒙戮。十八章言有本不竭。無本則涸。十九章言禽獸俱含天氣。衆人皆然。聖人超絕。識仁義之主於已也。二十章言周公能思三王之

道以輔成王。二十一章言詩書與春秋。二十二章言五世一體。上下通流。二十三章言廉惠勇三者。二十四章言求交友。必得其人。二十五章言貌好行惡。當修飾之。惟義爲常。二十六章言能修性守故。天道可知。二十七章言循理而動。不合時人。二十八章言君子責已。小人不改。蹈仁行禮。不患其患。二十九章言顏子之心。有同禹稷。三十章言匡章得罪。出妻屏子。三十一章言曾子思處義非謬者也。三十二章言人以道殊。賢愚體別。三十三章言小人苟得。妻妾猶羞。凡此三十三章。合前卷二十八章。是離婁一篇。有六十章矣。

孟子曰。舜生於諸馮。遷於負夏。卒於鳴條。東夷之人也。

注生始卒終。記終始也。諸馮。負夏。鳴條。皆地名也。負。海

也。在東方夷服之地。故曰東夷之人也。文王生於岐周。

卒於畢郢。西夷之人也。**注**岐周畢郢。地名也。岐山下。周

之舊邑。近畎夷。畎夷在西。故曰西夷之人也。書曰：太子發上祭于畢。下至于盟津。畢，文王墓。近於酆鎬之地。地之相去也。千有餘里。世之相後也。千有餘歲。得志行乎中國。若合符節。先聖後聖。其揆一也。**注**土地相去千有餘里。千里之外也。舜至文王千二百歲。得志行政於中國。蓋謂王也。如合符節。節，玉節也。以禮有六節。揆，度也。言聖人之度量同也。

音義

畎。始大切。或音犬。書曰：太子發上祭于畢。下至于盟津。盟音

孟丁云。案古文尚書無此文。先儒以爲此文是僞秦誓也。酆鎬音豐浩。度量音杜亮。

疏

正義曰。此章言聖人

殊世而合其道也。孟子曰：舜生於諸馮。遷於負夏。卒於鳴條。東夷之人也者。孟子言舜帝其始生於諸馮之地。其後遷居於負夏之地。其卒死於鳴條之野。是東夷之人也。以其地在東方。故曰東夷之人。文王生於岐周。卒

於畢郢。西夷之人也者。孟子又言文王其始生岐山下。其終卒於畢郢之地。是西夷之人也。以其地在西。故曰西夷之人。岐山本是周邑。故曰岐周。地之相去也。千有餘里。世之相後也。千有餘歲。得志行乎中國。若合符節。先聖後聖。其揆一也者。孟子言自舜帝所居終始之地。與文王所居終始之地。有千里以外之遠。自舜所生之世。文王所生之世。相後有千二百歲之久。其皆得志行政於中國。以致治。如合其符節。有同而無異。一爲先聖於前。一爲後聖在後。其所揆度。則一而無二也。以其同也。揆度也。**注**生始至東夷之人也。○正義曰。案史記云。舜。冀州之人也。耕歷山。漁雷澤。陶河濱。作什器於壽丘。就時於負夏。年二十以孝聞。三十堯妻以二女。遂舉用之。五十攝行天子事。五十八堯崩。六十一代堯踐帝位。踐帝位三十九年。南巡狩。崩於蒼梧之野。葬於江南九疑山。是爲零陵。今云舜生於諸馮。則諸馮在冀州之分。鄭玄云。負夏。衛地。案地理志云。衛地。營室東壁之分野。今之東郡是也。其本顓頊之墟。推之則衛地與冀州之地相近。是負夏之爲地名也。一云負夏。鳴條者。書云。湯與桀戰于鳴條之野。孔傳云。地在安邑之西。鄭玄云。地在南夷。云東夷之人者。案史記云。帝舜爲有虞。皇甫

謚云舜嬪于虞。今河東大陽是也。**注**岐周畢郢至鎬之地。○正義曰。案本紀云。古公亶父去邠踰梁山。止於岐下。徐廣曰。岐山在扶風義陽西北。其南有周原。裴駰案皇甫謐曰。邑於周地。故始改曰周。古公有少子季歷。生昌。有聖瑞。後立爲西伯。移徙都豐。徐廣曰。豐在京兆鄠縣。東有靈臺。鄠在上林昆明北。有鄠地。去豐有二十五里。皆在長安南數十里。徐廣云。文王九十七崩。謚爲文王。謚法曰。慈惠愛民曰文。愍民惠禮曰文。武王卽位九年。上祭于畢。馬融曰。畢。文王墓地名也。南越志云。郢故楚都。在南郡。則知畢在郢之地。故曰畢郢。**注**舜至文王千二百歲。周禮有六節。○正義曰。案史記世表推之。是自舜至文王有千二百歲矣。其文煩更不錄。周禮六節。案周禮云。守邦國者用玉節。守都鄙者用角節。凡邦國之使節。山國用虎節。上國用人節。澤國用龍節。皆金也。以英蕩輔之。鄭注云。以金爲節。鑄象也。必自以其國所多者。所以相別爲信明也。今漢有銅虎符。杜子春云。蕩當爲帑。謂以函器盛此節。或曰英蕩。或曰函。開關用符節。貨賄用璽節。道路用旌節。**注**云。符節。如今宮中諸官詔符也。璽節者。今之印章也。旌節。今使者所擁節是也。將送者執此節以送行者也。凡此是周禮有六節之別。

同治十年重刊

子產聽鄭國之政。以其乘輿濟人於溱洧。**注**子產鄭卿

爲政聽訟也。溱洧水名。見人有冬涉者。仁心不忍。以其

乘車度之也。孟子曰。惠而不知爲政。歲十一月徒杠成。

十二月輿梁成。民未病涉也。**注**以爲子產有惠民之心。

而不知爲政。當以時修橋梁。民何由病苦涉水乎。周十

月。夏九月。可以成涉度之功。周十一月。夏十月。可以成

輿梁也。君子平其政。行辟人可也。焉得人人而濟之。故

爲政者。每人而悅之。日亦不足矣。**注**君子爲國家平治

政事刑法。使無違失其道。辟除人使卑辟尊。可爲也。安

得人人濟渡於水乎。每人而悅之。欲自加恩以悅其意。

則日力不足以足之也。

音義

乘。音剌。注同。漆音臻。洧。榮美切。杠。張音江。方橋也。可。

通徒行人過者。辟人之辟。丁張竝音闕。亦如字。注辟除同。焉於虔切。卑辟音避。**疏**正義曰。此章平政爲首也。子產聽鄭國之政。以其乘輿濟人於漆洧者。子產鄭大夫公孫僑也。漆洧。鄭國水名也。言子產爲政。聽訟於鄭國。於冬寒之月。見人涉漆洧之水。乃不忍遂以所乘之車輿濟渡人於漆洧。孟子曰。惠而不知爲政。至日亦不足矣。孟子言子產雖有恩惠及人。而以陸地乘輿而濟人於漆洧。然而不知行其不忍人之政。而濟人矣。所謂歲十一月徒杠成。十二月興梁成。是其政也。言歲中以十一月雨畢。乾晴之時。乃以政命成其徒杠。徒杠者。說文云。石杠。石橋也。俗作杠。從木。所以整其徒步之石。十二月成津梁。則梁爲在津之橋梁也。今云興梁者。蓋橋上橫架之板。若車輿者。故謂之興梁。如此民皆得濟。所以未有憂病其涉者也。君子之爲。但平其政事。使無違失。行法於人而使尊之。其若此則可也。又安得人人而濟渡之乎。如人人濟之。則人望我者無窮。